



Broj: 11-05-38- 4350-4/16  
Sarajevo: 07.07.2016.godine

U skladu sa članom 70. Zakona o organizaciji organa uprave u Federaciji Bosne i Hercegovine („Službene novine Federacije BiH“ , broj: 35/05), članom 20. Zakona o visokom obrazovanju (“Službene novine Kantona Sarajevo”, broj: 42/13-Prečišćeni tekst i 13/15) i članom 7. Pravilnika o postupku osnivanja i utvrđivanja uslova za upis u registar akreditovanih visokoškolskih ustanova na području Kantona Sarajevo i registar akreditovanih studijskih programa visokoškolskih ustanova na području Kantona Sarajevo („Službene novine Kantona Sarajevo, broj: 36/14) ministar za obrazovanje, nauku i mlade Kantona Sarajevo d o n o s i;

### **R J E Š E N J E**

- 1. Utvrđuje se** da Internacionalni univerzitet u Sarajevu ispunjava propisane uslove za početak realizacije nastavno-naučnog procesa na drugom ciklusu studija na organizacionoj jedinici Pravni fakultet i to počev od studijske 2016./2017.godine.
- 2. Dozvoljava se** Internacionalnom univerzitetu u Sarajevu upis studenata u prvu studijsku godinu na drugom ciklusu studija na organizacionoj jedinici Pravni fakultet u skladu sa usvojenim Elaboratom o pokretanju drugog ciklusa studija na organizacionoj jedinici Pravni fakultet.
- 3. Obavezuje se** Internacionalni univerzitet u Sarajevu da prije početka realizacije nastavno-naučnog procesa i upisa studenata u studijskoj 2017/2018. godini, Ministarstvu za obrazovanje, nauku i mlade Kantona Sarajevo dostavi dodatne dokaze da ispunjava propisane uslove za upis studenata i izvođenje nastavno-naučnog procesa u skladu sa odredbama Zakona o visokom obrazovanju, Pravilnika o postupku osnivanja i utvrđivanja uslova za upis u registar akreditovanih visokoškolskih ustanova na području Kantona Sarajevo i registar akreditovanih studijskih programa visokoškolskih ustanova na području Kantona Sarajevo te odredbama Standarda i normativa za obavljanje djelatnosti visokog obrazovanja na području Kantona Sarajevo.
- 4. Utvrđuje se** da Internacionalni univerzitet u Sarajevu ne može vršiti upis studenata u studijskoj 2017./2018. godini prije zvanične potvrde od strane Ministarstva za obrazovanje, nauku i mlade Kantona Sarajevo o ispunjenosti propisanih uslova za upis studenata u skladu sa propisima iz tačke 3. ovog Rješenja.

### **O b r a z l o ž e n j e**

Internationalni univerzitet u Sarajevu je Ministarstvu za obrazovanje, nauku i mlade Kantona Sarajevo podnio zahtjev za provjeru ispunjenosti uslova za početak realizacije nastavno-naučnog procesa na drugom ciklusu studija na organizacionoj jedinici Pravni fakultet. Postupajući po podnesenom zahtjevu ministar za obrazovanje, nauku i mlade Kantona Sarajevo je rješenjem broj: 11-05-38-4350-1/16 od 23.03.2016. godine imenovao Ekspertnu Komisiju za davanje stručnog/ekspertnog mišljenja u odnosu na Elaborat o pokretanju drugog ciklusa studija na Prvanom fakultetu kao organizacionoj jedinici u sastavu Internacionalnog univerziteta u Sarajevu.



Ekspertna komisija je nakon provedenog propisanog postupka dala pozitivnu stručnu ocjenu Elaborata o pokretanju drugog ciklusa studija na Pravnom fakultetu kao organizacionoj jedinici u sastavu Internacionalnog univerziteta u Sarajevu (**Dokaz:** Zapisnik sa prvog sastanka Ekspertne komisije od 12.04.2016. godine, zapisnik sa drugog sastanka Ekspertne komisije od 31.05.2016. godine i zapisnik sa trećeg sastanka Ekspertne komisije od 10.06.2016. godine.).

Nakon usvajanja izvještaja o radu Ekspertne komisije ministar za obrazovanje, nauku i mlade Kantona Sarajevo je rješenjem broj: 11-05-38-4350-3/16 od 15.06.2016. godine imenovao Stručnu komisiju za provjeru ispunjenosti uslova za početak realizacije nastavno-naučnog procesa na drugom ciklusu studija na organizacionoj jedinici Pravni fakultet u sastavu Internacionalnog univerziteta u Sarajevu.

Stručna komisija je nakon provedenog propisanog postupka konstatovala da podnositelj zahtjeva odnosno Internacionalni univerzitet u Sarajevu ispunjava uslove propisane Zakonom o visokom obrazovanju, Standardima i normativima za obavljanje djelatnosti visokog obrazovanja na području Kantona Sarajevo te uslove propisane Pravilnikom o postupku osnivanja i utvrđivanja uslova za upis u registar akreditovanih visokoškolskih ustanova na području Kantona Sarajevo i registar akreditovanih studijskih programa visokoškolskih ustanova na području Kantona Sarajevo („Službene novine Kantona Sarajevo, broj: 36/14) za realizaciju nastavno-naučnog procesa na drugom ciklusu studija na organizacionoj jedinici Pravni fakultet (**Dokaz:** Zapisnik Stručne komisije od 17.06.2016. godine, zapisnik Stručne komisije od 29.06.2016. godine)

S obzirom na naprijed navedeno, cijeneći činjenicu da je u predmetnom slučaju Ekspertna komisija dala pozitivnu stručnu ocjenu Elaborata o pokretanju drugog ciklusa studija na Pravnom fakultetu u sastavu Internacionalnog univerziteta u Sarajevu, kao i činjenicu da je Stručna komisija utvrdila da podnositelj zahtjeva odnosno Internacionalni univerzitet u Sarajevu ispunjava propisane uslove za realizaciju nastavno-naučnog procesa na pomenutoj organizacionoj jedinici na drugom ciklusu studija donesena je odluka kao u dispozitivu, uz obavezu podnositelja zahtjeva da Ministarstvu za obrazovanje, nauku i mlade Kantona Sarajevo prije početka realizacije nastavno-naučnog procesa i upisa studenata u studijskoj 2017./2018. godini dostavi izvještaj sa dodatnim dokazima da ispunjava sve propisane uslove za upis studenata na pomenutoj organizacionoj jedinici i to za broj studenata koji je predviđen Elaboratom na koji je Ekspertna komisija dala pozitivno stručno mišljenje. Shodno naprijed navedeno, cijeneći sve dokaze kako pojedinačno tako i u njihovoj međusobnoj povezanosti, donesena je odluka kao u dispozitivu.

**Pouka o pravnom lijeku:** Protiv ovog rješenja može se izjaviti žalba ministru za obrazovanje, nauku i mlade Kantona Sarajevo u roku od osam dana od dana prijema ovog rješenja.



**Dostaviti:**

- Naslov
- a/a

